

fütter/das letst bey dē lincken/die andere drey in irer mitte/ja auch dise windt-
löcher sollen durch das fütter das da ist bey dē bogen ghen. In solche löcher sol-
len halbe ziegel gelegt werden/das der derz ofen nicht viel windts habe/vnd sie
auch zum zeitten herauß genommen werden/das diser der die Kinstuck derzet/in
die gassen/wie sie es nennent/sähen möge/vnd besichtigen eb sie recht gederret
werden. Aber der vorder bogen soll von dem hinderen drey werckschüh vn̄ zwei
er spannen sein/welchs holes teil gleich so lang seye/wie des letsten bogēs/aber
sechs quārschüh breit/diser bogen soll ein höhe habē/welche da selbig die wende
de habendt. Auff die bögen vnd wende soll ein rauchloch von zieglē mitt Falch
zusāmen gemaurt auffgericht werden sechs vnd dreissig werckschüh hoch/diſ
sol durch das tach ghen. Aber das fütter zum hinderen bogen vnd beide wende
gsetzt/auf welchen es ein werckschüh herauß ghet/soll drey werckschüh vnd so
viel spannen hoch sein/auch drey spannen dick/auf zieglen mitt leim zusāmen
kleibt/soll allenthalben mitt dickem leim angestrichen sein/also das diſ so oben
angstrichē/bey eines werckschüchs höhe fein gmachsam auffsteige. Diese maur
ist wie ein schildt der anderen maurē/dan sie bewaret sie von der hitz des feurs/
welche die mauren schwecht/welche nicht leichtlich widerumb gmacht werden/
so dise mitt leichter arbeit mag widerumb geflickt werden. Aber der herdt wer-
de auß leim/vnd mitt scharren bedeckt/wie dem schmelzofen seindt/darin das
sylber vom kupffer gschieden wirt/aber die kein zapffen habendt/oder mit zie-
glen/so die gwercken in die scharren nicht wollen kosten wendē. Diser breiterer
teil soll in die fläche gsetzt werden/mitt welcher weiß d herdt dahinden so hoch
wirt/dz er biß zu den fünff windtlöchern gange/dauornen so niderig/das der
hinder teil des vorderen bogens hol seye/vier werckschüh/drey spannen vnd
so viel quārfinger tieff/das vorder fünff werckschüh dreyer spannen vnd so viel
quārfinger. Es soll auch der herdt außserhalb dem ofen bey sechs werckschüh
mitt zieglen bedeckt sein. Bey disem ofen/zür vierdten langen mauren/ist ein
wassertrog/dreizehē werckschüh vnd ein spannē lang/vier werckschüh breit/ein
werckschüh vnd dreyer spannen tieff/mit brettern zu beiden seitten verwaret/
das nicht die erdt darin falle/in welche an der anderen seitten das wasser durch
ein ror fleußt/an der anderen seittē/so der zapffen herauß gezogen wirt/zeuche
das wasser die erdt in sich. In das wasser des wassertrogs/werden die kupffers
ne stück geworffen/von welchen das sylber vnd das pley gschieden wirdt/des
vorderen bogens vorder teil wirdt zum teil mitt einer eisernen thür gschlossen/
vnd den sechs quārschüh vnd zwen quārfinger breit/oben ein wenig rontd ge-
machtet/zü oberst/welchs die mitte ist/drey werckschüh vnd zweyer spannen
hoch. Sie ist aber auß eisernen stäben vnd blächen zusāmen gsetzt/daran mitt
eisernen träten gehefft. Der stäben seindt sieben/drey in die quār/vier seiger ge-
richt/welcher ein jeder zwen quārfinger breit ist/anderthalbē quārfinger dick/
aber das vnderst so in die quār ist sechs quārschüh vnd zweyer spannen lang/
das mitlest hatt ein lenge/das oberst das getrümpft ist an der mitte höher/vnd
also lenger dan die anderen zwen. Der geradē stäben ist einer von dem anderen
zweyer werckschüh/welcher beides letst 2 werckschüh vnd so viel spannen hoch
ist/das mitlest aber ist dreyer werckschüh vnd zweyer spannen hoch/auf dem
obersten so in die quār vnd getrümpft ghendt sie herauß/vnd habendt löcher/
in welche die hacken der ketten zweyer werckschüh lang geschlossen seindt/wel-
cher oberste ringlin/in ein ring der drittē ketten geschlossen seindt/welche so auß
gestreckt/das haupt des donholzs ettlicher massen außgehauwen fasset/rund
ymb dasselbig gewunden wirt/vnd so widerumb herab gelassen/so hengt der
hacken in ein ringlin diser ketten eingelegt. Das donholz ist aber eilff werck-
schüh lang/einer spannen vnd zwen quārfinger breit/einer spannen dick/wirt
ymb die eiserne wellen/in den nächsten balcken geschlagen/ymbgetriben. Am
hinderen teil hatt es ein eisernen nagel/der dreyer spannen vnd ein quārfinger
lang